

中國邊疆史志集成

內蒙古史志

34

全國圖書館文獻
縮微復制中心

新修清水
河廳志

歲在癸未仲冬
長白文秀題

光緒九年歲在
昭陽協洽新修

宮保爵撫憲曾大中丞飭各廳州縣修葺書札

巡撫部院曾 為札飭事照得本爵部院於光緒

五年三月初九會同

閩部堂恭摺具

奏晉省設立書局先刻善本四書六經以便士民次
議重修省志以存文獻欽奉

諭旨允准當經分別咨行在案查山西志書自康熙雍

正年間修輯後至今未及重修事閱文獻豈可任其湮沒咸豐七年髮逆滋擾同治六年捻匪渡河地方被蹂躪者十餘屬男女殉節義者若而人禦寇防邊兼籌水陸依山設險添建碉牆鹽法之官運官銷營制之移兵移餉有閔政體各有變更繼以七載之歉收三年之大稔戶口流亡過半賦稅蠲緩頻頒倉儲則悉數皆空善後則百廢未舉正宜

登諸記載昭示後來此志之所亟宜重修者也現
已由省聘請博通淹雅多識能文之儒纂修全省
通志所有各州縣志書亦須一律修輯以備採擇
考証之資籍免舛誤遺漏之患惟當經費支絀不
得不設法變通應將府志暫緩興修州縣原有志
書亦勿庸更動先令各牧令查明原修志書以後
應載各事實另修補志一冊即照原分門類挨次

編纂其有原修志書以前事實前志未載應行添
入者另列補遺一門或前志已載尚須辨正者另
列糾誤一門以期簡便所需經費准就地方勸捐
藉資應用一面訪請淵博之士總司修纂庶免貽
譏通識資覲摩於往事垂文獻於來茲實於三晉
吏治文風兩有裨益除札司局道府知照外合亟
札飭到該廳即便遵照辦理勿違

志書總目錄

卷首

序文

纂修姓氏

總目

圖考

疆域全圖

永安街全圖

八里村莊圖

邊牆小口圖

黃河渡口圖

廳署圖

巡檢署圖

武營署圖

常平倉圖

義學圖

關帝廟圖

龍神廟圖

附八景

玉屏疊嶂

金蓋層巒

榆灣漁唱

雉堞鷄鳴

清水滌波

渾河激漲

小廟聖泉

雷音石佛

新修清水河廳志序

且事莫難於創始而功莫便於相因則欲述前人之
遺藏以爲後人之法守雖數百年載以上之人心不
可見而一爲之博採修飾斯忠孝節義之志遂無不
昭然若揭如在目前則信矣郡之不可無志猶國之
不可無史也余自庚辰冬承乏是邦下車伊始適奉
曾大中丞札飭各廳州縣重修志書廼清水一屬僻

處邊陲原係蒙古草地荒陋已甚迨我

熙朝撫有中外始入版圖自乾隆元初乃設官隸事諸

多草創苟簡闕畧是以歷代以前更無文獻可徵第
百有餘年其間豈無可述徽音所當撰入志乘以垂
不朽者乎特莫為之後雖美弗傳茲於廢卷中獲前
署倅恩謝堂先生修輯所見所聞蹟歷兩本是伊不
自我先不自我後而乃得於深思遠慮之餘若有為

之守先而待後者此其中殆有天焉非人之所能為也爰集同志諸君就其原本廣詢博訪重加釐訂偽者証之遺者補之信者存之疑者闕之並取歷年以來之可傳者附於後而郡志始有完書閱一載而告成不禁喟然曰甚哉修志之難也蓋地處山陬年踰甲子既多卷宗之散佚復少父老之傳聞則欲其簡而該約而能詳不憂憂乎其難哉況余賦性椎魯問

政未遑而區區纂輯之初心計惟是補修前書編綴
近事俾觀形勢而知山水之夷險覽舊蹟而識今古
之廢興續義舉以紀人善志節孝以彰苦節傳人之
志行吾之志此書成而吾志遂矣顧因陋就簡接墜
緒於幾亡非敢云美備悉臻亦祇期白水盟心青山
增色與二三同志樂觀厥成焉耳若夫興利除弊振
廢起衰民何以成有非常之人始克舉非常之業余

惟不敏雖有志焉而未逮焉得不於後之君子而深
其屬望之思也夫是為序旨

光緒九年歲在癸未十一月朔旦

誥授奉政大夫陞用同知知清水河廳事長白文秀撰書